

**Florus Biblicus Seu Narrationes, Ex Veteri Testamento
Selectæ**

Pexenfelder, Michael

[S.I.], 1711

XXXV. Mira Ierichuntis urbis eversio.

[urn:nbn:de:hbz:466:1-64523](https://nbn-resolving.de/urn:nbn:de:hbz:466:1-64523)

Chananæam pede contigerunt, quidni gaudiō exultantes, terram tot antè seculis promissam, tot & tam ardentibus votis optatam, tot jam annis, tantis erroribus, molestiis & ambagibus quæsitam, nunc verò tandem inventam, & aditam consalutārint; quidni hymnos & grates DEO persolverint, cùm argumentum tam illustre, támque recens erga ipsos bonitatis divinæ, támque prodigiosum miraculum ab omni oblivione animos avocaret, ipsaque sui admirabilitate, gratissimāque novitate, invitaret ac exfuscataret. Ipsum equidem Josuen, nihil dubitem, vel in genua procidentem, vel stantem ad ccelum manus & oculos sustulisse, séque ad fœderis Arcam, divinæ præsentia testem, ac sedem, venerabundum convertisse, sanctissimoque Numini toto animo, gestu religiosissimo, castissimisque vocibus gratulatum. In eo, quem dixi, castrorum loco, cùm jam manna ningere desüsset, cæperunt agi prædæ, segetes Chananæorum maturæ demeti; rerum omnium affluere copia, Hebræi circumcidi, Paschatisque Solennia celebrari. Neque enim dignus est beneficij posteriore, qui grates & laudes non refundit in beneficij Datorem prioris. Josue, ut DEO duce, transivit aquas sicco pede; sic immotâ manu dejicit hostium mænia. Cujus rei narratio proximè sequetur.

NARRATIOXXXV. MIRA JERICHUNTIS URBIS E V E R S I O . Jos. 6, A. M. 2584. Ante Ch. 1469.

NAR,

Nam erobur est, & vires perditæ, adversus quas
 pugnat DEUS. Trajecto in eum, quem dixi-
 mus modum, Jordane, progressus in agrum Jo-
 sue, è castris, vix dimidiâ leucâ Jerichunte distan-
 tibus, dum intentus in curam urbis jussu Nnminis
 excidendæ, locum expugnationi opportunum cir-
 cumspicit, spectabilem habet Angelum, viri arma-
 ti specie. acinace districto terribilem, bellique si-
 mulacra carentem [Michaël is erat, Tutelaris gen-
 tis Hebrææ præses] auxiliatorem cœlō submissum;
 quem principio haud agnitum; deinde, quisnam
 eset, professum, veneratione, quæ Cœlestes decet,
 affecit. Ab eo [quod exitus postea docuit] capi-
 endæ Jerichuntis omnem didicit rationem: non
 armis profectò, nec machinis, aut scalis, aut incur-
 su militari; sed sacrâ quadam pompâ, cæremoniis-
 que constaturam. Præmiserat enim tum in om-
 nes universim Chananæos, tum in Herichuntinos
 præcipue terrorem quendam insolitum DEUS.
 Quo terrore conternati Rex, optimates, cives,
 & quotquot ex suburbis undique Jerichuntem
 confuxerant; militare nihil nec pectore retinebant,
 nec foris præ se ferebant. Nulli Jordanis ad ripam
 defensores, non miles pro portis; non excubiae vel
 stationes in vallis; non propugnatores in mœnibus,
 atque monumentis. Tanquam enim fortius lapides
 ac feræ, quam homines, bellarent; obicibus sese
 portarum, & erectis in cœlum muris circumclusè-
 rant: & in eo salutis suæ summam constituerant:
 nihil super eruptione, super torquendis in hostem
 telis, aut missilibus spargendis solliciti. Infregerat
 animos rerum ab Hebræis trans Jordanem gesta-

rum, sparsa latè fama; tum novissimè Jordanes alveō per miraculum apertō, transmissus.

Inter hæc Josue quid ageret, partim ab Angelo; mox ab ipso Numinis oraculo, pleniū ex Arcā præmonitus, septiduum indicit exercitui; quod se mel quotidie digressi castris, Jerichuntis mœni circumirent. Pompæ series hæc erat. Antecep debant armatorum plusquam sexcenta millia; formidabile sine dubio, Jerichuntis clausis, palpitanibusque spectaculum. Sequebatur Arca, Sedes Oraculi, Sacerdotum humeris gestata; ponē quam Sacerdotes alij, numero septem, suas singuli buccinas, quas *Iubileas* appellant, inflabant. Claudebat agmen promiscua multitudo reliqua; cornibus & ipsa, tubisque militaribus perstrepens. Iste quotidianus fuit, per sex continuos dies circumeuntium habitus & ordo: nemine vel vocem interim alias (præterquam classicorum) vel clamorem tollente; quod id Josue yetuisset. Die septimo, pro concione præmonitis, quid fieri præterea vellet, simul ac buccinarum solitō productiorem, concisiōremque cæpissent accipere: captum iri Jerichuntem prædictum. Addebat autem, ut urbis captæ prædam auream, argenteam, æneam ac ferream, in *Sacramentum* ferre *Dominicum* meminissent. Cæterorum nec abriperet quisquam quidquam, nec attingeret: sed ut Numine Diris, & excidio devota tractarent. Ferrō viros, feminas; armatos, inermes; Senectutem & infantiam; puberes, impuberēsque cum bruto ac jumentis; delerent. Urbem reliquam incendiadarent, ac cineres *sempiternum tumulum* efficerent. Processum sub hæc ut alijs diebus omnibus, ē castris Hierichuntem versus.

Urbs exspectatione futurorum animi pendens ;
 cum jam antehac, singulos ad circuitus , stupido
 metu trepidasset ; eō postremō, fluitare formidine ,
 multō majoribus ex causis, cāpit : ac, cū spissari
 negotium, crebriusque repeti viderent incolæ, quod
 antea simul duntaxat, unum in diem , acciderat, a-
 atrociora meritō suspicabantur. Septies enim luce
 septimā (præcipiente Josua , Numinēque) circum-
 obita Ierichus est : indefessō tot millium studiō ; Sa-
 crorūmque rituum, triumphō verius, quām inces-
 su, vel pompā : buccinarum præterea, cornuūm-
 que ululatu nunquam intermissō ; trementibus in-
 terim intus incolis, ac quorsum erupturus hic esset
 rerum anfractus , attonitē præstolantibus. Time-
 bant igitur hi, terrebant isti : cūm repellēt, datō per
 Josuen signō, sub ipsum septimum Arcæ circumdu-
 ctum, horrendus tot millium Hebræorum tam ar-
 matorum , quām inermium, tollitur adversus ur-
 bem , in cœlum clamor , circumjectis undique
 montibus repercutitus. Murique simul ex omnibus
 circumquaque partibus, non arietibus impulsī , né-
 que ballistis verberati bellicis ; sed Angelorum oc-
 cultis viribus afflīti, subsidunt in exterioris pomæ-
 rī fossas. Quibus æqualiter undequaque, per corru-
 entium saxorum congeriem, impletis, facilis fit in
 urbem, unō momentō temporis, ab Hebræis irrup-
 tio. Simul urbis captæ confusus clamor exoritur :
 parvolorum , ac mulierum lamenta ; cædes(ut im-
 peratum fuerat) pecorum , hominūmque promi-
 scua. Non ætatis, non forma ; non conditionis,
 aut depreciationis, ulla miseratio. Nec tam en hæc
 ipsa, laude sua carebat , immisericordia. Nam,
 quam

quam DEUS jussit , implacabilitas , ea demnum glo-
riosâ sola crudelitas est . Passim itaque preces ; nec
venia : fuga ; nec effugium : vulnera , crux , mor-
tes , cadaverum acervi ; cæsorum in alto sanguine
natatio . Non infans , non puella virgo , non senex
decrepitus , ac ne canis quidem , ostij custodia , re-
lictus . Omnia ferro populante funis unum ; flam-
ma depascente , bustum unum ; extirpante Josua
Deoque , rudus unum ac ruina fiunt . Rahabæ scor-
ti solius , domus muro cohærens non est subru-
quâmque ab explorotoribus fuerat , per dominan-
tuam , stipulata fidem ; eam imperiö Josuæ servata
sibi sensit . Funiculi quippe coccinei , quem ei
compacto de fenestra suspenderat exteriore mulier,
indiciō notata , cognitâque tamdiu stetit inexpug-
nata ; quoad educta materfamilias , cum parentibus
ac propinquis , & omni familia , facultatibusque
consistere cœpit in tuto . Post hæc enim in cumu-
lum Jerichuntis ruentis etiam has ædium accessibile
reliquas extra controversiam est . Superadjecit
urbis excidio , tristissimum Josue Dux epitaphium
& impropitum omne cœlum ei ; quicunque Jer-
chuntem posteris ausus esset ætatibus instaurare
Tropæum præterea victoriæ super urbis excisæ squa-
lentem tumulum defixit , *patibulum* , in quod Jere-
chuntis captum regem compigni jussit , ac necari
dignam publicæ calamitatis coronidem , ob scelerum
quæ tyrannus patrârat : ut , qui civibus nequam , ex-
empli nequiores facem fuisset præferre solitus
regibus quoque secuturis , ad supplicij paritatem
præluceret . Ut adeò , verum si fateri velimus
Jerichuntem , & reliquam Chanantidem everterim
Se

(157)

Scelerata sua simulatorum fictilium adoratio , vene-
fitorum & incantationum præstigiæ , ac crudelitas ;
dum parentes liberos , vel per Sacrilegas flamas
lentè traducerent ; vel , quod immanius , in sta-
tuarum ex ære fusili carentibus brachijs torrendos
darent , præterea libidinum nec finis , limes , aut
modus aut reverentia . Pœnas igitur extremas jam
olim merebantur ; eas divina Justitia suis causis in
longum dilatas , evolutâ tandem dissimulationis
circulâ , flagitiorumque numeris omnibus imp-
letis ; ingenti cum fænore tarditatis , inflxit . Du-
rius castigat pœna ; & protacta peccandi licentia ,
ferro vindici aciem inducit severissimam .

NARRATIO. XXXVI. ACHAN SACRILE- GUS LAPIDATUR.

Iosue 7. Anno Mu ndi 2584.

Ante Ch. 1469.

Unus sæpe noxa cœtum integrum contagio-
ne sceleris involvit , & iræ ac vindictæ subij-
cit divinæ . Eversâ Jerichunte , non quievit
ira Dei vindex , vel vindictæ minister , bellicosus
Josue gladius ; victoriarum tamen cursum aliquan-
tum interruptus hominis unius culpa , plurium sanguine
ne expianda . Tam Numinis , quām Josuæ inter-
minatione severè fuerat interdictum , ne quis de ur-
be , anathemati subjecta , funditusque delenda
quidquam sublegeret , aut sibi usurparet . Infregit
mandatum cuiusdam avaritia militis , cui nomen
Achan ,